

und der kindir eyns auch czu sich genomen. Daz selbe gelt wil er dem kinde, so es czu mundigen jaren komet, usrichten und daz kinth mit essen, tringken, schuwen und tegelichen cleidirn unbeschedit synen haubtgelde czihen und vorsorgen und hat sulche 13 ß 20 gr mit Hanszen Sywid vorwort, der da vor eynen agkir, hindir den sichen gelegin, vor dy were gesaczt hat, ab daz kinth addir synen vormunden nicht bezalt wurden, daz sy sich sulcher schuld vor ydermenlichen irholen sullen. Actum dominica post Martini anno domini etc. LVI coram magistro consulum Nickel Sturm et suorum consedentium.

a) alles durchgestrichen

1018.

1457 Januar 17

Gerichtliche Vereinbarung über eine Geldzahlung für eine Verletzung im Gesicht.

fol. 190r Heynrich Passegk von Slaicz, eyn gurtler geselle, hat bekanth, daz oin Lucas Gortler sulch betedingit gelt, so Albrecht Kuche, Hans Apt, Hans Rothe und Michel Hirsfelder czwischin oin gemacht und betedingit haben,^{a)} nemlichin vier nūwe schogk groschen. Dy selbe summe geldis hat er oin czu guten dangke bezalt und uszgericht und hat õn des vor uns quid, ledig und losz gesagit von sulchir wunden weyn, dy er oin undir synen antlicz gewundit hatte. Actum 2^a feria Anthony anno domini etc. LVII.

a) folgt durchgestrichen nemlichen

1019.

1457 --

Elisabeth Seyfried stiftet testamentarisch ein Seelgerüt.

fol. 190v Actum bey dem burger(meiste)r Nickel Sturm anno etc. LVII ist vor eyn siczinden rath komen dy ersame frauwe Elizabeth, Michil Syfridis gelaszine witwe, und hat betracht ir und ir vorstorben eewirte seln selikeit und dy vorgengliche czeit und hat vor uns mit gesunden leibe, guten willin und wolbedachten mute durch Nickel Sturm, iren gekoren vormunde, czu unserir stad nucz und fromen gegeben dy grosze wiszin und czwene egkir, czwischen den egkirn des nydirn forberges und der wiszen und egkir der widme des dorffis Weiszinborn gelegin, als daz in synen reynen begriffen ist und daz sy von Michil Syfride, iren vorstorben eewirte gotseligen, an komen ist von dritteis phlicht und von synen gelaszin frunden in der teilung czu gesprochin. Also daz frauwe Elizabeth sulchir wiszin und egkir czu iren